

冷然齋詩集

卷一

一

二

三

四

五

六

七

八

九

十

詳校官庶吉士_臣李傳熊

主事_臣呂雲棟覆勘

膳錄監生臣曾照

膳錄監生臣溫廷鑑

欽定四庫全書

冷然齋詩集卷七

宋 蘇洵 撰

七言絕句

報寧寺

相業平時既講明得君當國有難能
周公禮樂寥寥意餘子隨時未可憎
為愛先生所賦詩半生參學老猶迷
如今數卷鍾山草步步相隨處處攜

玉斗

玉斗撞來事已殊
豈知天命有乘除
秦人自愛三章法
枉却先生膽氣麤

劉郎詩

白髮劉郎意自悲
桃山還是欲花時
一生漂轉成何事
留得玄都數首詩

提舉劉學士以某論守江之策未行作詩見遺
謹次

福胎當日起燕然始信興亡不屬天謀國自知無祕計
何時歸把牧羊鞭

自是羣公氣未平黠羌何慮不休兵欲成江左收賢俊

嘆息無人致二生

顧榮
賀循

龍瑞宮

花竹青虛卉木蒼行穿溪水過山房黃冠相對如泥醉
此是人間不老方

嶂密峰圓不似山桃花流水做春開神仙只在人間世

金定四庫全書
卷七
妄意虛無縹緲間

未必時人識面頻
偶然蹤跡似逃秦
重來洞府青春晚
一樹桃花犬吠人

石鏡

鑿石何年種月輪
清光終夜照香魂
淒涼不比班姬扇
猶是君王送死恩

忠州酆都觀乃平都洞天也題一首

宮殿隋梁所造成
殿門仍有晉丹青
白頭道士無人見

客至惟呼鹿出迎

十二峰

畫圖曾識巫山面今日親臨十二峰
萬里平生無此夢却疑身在畫圖中

灩澦堆

灩澦堆頭一葉舟
半年人共水東流
平生快意纔如此
不數東南數十州

八陣圖

儼然雲轉與風回故國人看但石堆猶有鬼神供職守
不移行列待將來

巫山峽

山木無端又一秋夕陽和影上扁舟舊時十二峰前路
惟是猿聲共客愁

大仙廟

為雲為雨話頭長十二峰前事渺茫盡道翠眉愁未展
不應猶憶楚襄王

風木哀鳴想佩環
飛鸞何在古祠間
無端牢落悲秋客
剛把人間比夢間

琴臺

朱絃牢落更誰聞
青草臺高鶴唳雲
尚有茂陵多病後
眼前相對卓文君

孔明廟

未了功名便闔棺
荒祠零落漢衣冠
知心惟有庭前柏
能與先生共歲寒

濯錦江

機絲波影借光華
巴女臨流住幾家
爭向芳菲偷錦樣
織成平白濺江花

浣花溪

抱郭清溪一帶流
浣花溪水西頭重
來杜老誰相識
沙上鳬雛水上鷗

武昌

南樓絲管日紛紛
一帶春江浸碧雲
遺老相逢問年幾

白頭閒話岳將軍

行宮

先帝乘龍厭九州
行宮花柳不勝愁
傷心更有秦淮水
故繞宮牆日夜流

春歸

十日清明九日非
人家庭院綠成幃
春風怕見匆忙去
莫放楊花一點飛

歸自都城

竹樹齊平綠似城朱櫻初熟粲繁星今年起得春歸伴
買飯蕭然舊驛亭

夏行郊外

吹紅換得綠團枝蝴蝶飛來又却疑藤架野花無著莫
是人行處有香隨

有感

滯不求通任布衣山陰道上玩春暉每逢到處花開謝
轉覺人生萬事非

小憩西興

吳越相望一葦通
仙凡不隔半帆風
元暉有句無人識
盡在西興落照中

之上虞道中作

東關白塔何由見
異日曾驚堠子頻
千頃波濤風雨裏
夜深孤載一愁人

上餘姚

憶侍大人江北去
却從伯父野堂回
爭知二老輕凋謝

歲晚扁舟一箇來

過餘姚

柔櫓輕飛過別灘
老夫吹帽受風寒
江流屈曲如蛇轉
贏得青林四面看

復過二首

遠水連山碧四圍
烟波時有鷺鷥飛
餘姚江上中秋月
自買扁舟一箇歸

西風奕奕細吟商
客枕淒然一夜涼
吟盡蘋花渾可事

少留荷葉蓋鴛鴦

曹娥

遊子心情歲暮時
畫船來往幾歡悲
夫人祠下寒潮水
自展醪牲讀蔡碑

與曾亨仲曹六二兄買小舟遊西湖

貪忙安得似偷閑
日日紅塵倦往還
買得小舟真似葉
敗荷叢底看孤山

西湖早秋